

TUTTU EQQAKKANIK

KATERSINERANI IKIORUK, TAAKKUA PINNGORTITAMIIK- KUNNAARNIASSAMMATA



FN'S VERDENSMÅL
for bæredygtig udvikling

12 ANSVARLIGT
FORBRUG
OG PRODUKTION



14 LIVET
I HAVET



15 LIVET
PÅ LAND



TUTTU EQQAKKANIK KATERSISOQ
IKIORUK. SUMIIFISSINNI ANGALAARITSI
EQQAKKALLU NASSAARISINNAASASI
ATAATSIMOORLUSI KATERSORLUGIT.
TAAMAALIORLUSI ASSERSUUTIGALUGU
TAAKKUA KUKKUNIKKUT PUISIP PIARAATA
NAAVINIILINNGINNISSAANNIK TUTTU
IKIUSSAVARSI.
EQQAKKAT POORSUARMUT IGIKKIT,
TAANNALU CONTAINERIMUT IGILLUGU.

AAQQATIT EQQAAMAKKIT

ANGUNIAGAQ

Meeqqat ilikkassavaat eqqak-
kat pinngortitamut pitsaa-
suungitsut aammalu eqqaa-
vimmut iginneqassasut, taa-
maalillutik ajoqusiissanatik

PIAREERSARNEQ

Sumiiffinni misissuilaarit eq-
qagassaqarnerisut takuniar-
lugu. Puussiat immaqalu
oqimaalutaq imaluunniit
uuttortaat qaqikkit.

SAMMISASSAQ

Meeqqat eqqakkat takusin-
naasatik tamaasa ataatsi-
moortukkaarlutik imaluun-
niit kisimiillutik katersussa-
vaat. Piumagussi piffissaq
killilersinnaavarsi – asser-
suutigalugu minutsit 20-t.
Meeqqat naammassippata
eqqakkat qanoq annertu-
tigersut oqimaalutamik
imaluunniit uuttortaa-
mikk uuttortarsinnaavasi.

OQALOQATIGILLUARNERIT

Eqqakkat qanoq ilillutik
pinngortitamiilersimaner-
sut oqaloqatigiissutigisiuk.
Aamma eqqakkat pinngorti-
tamut aammalu uumasunut
pinngortitamiittunut qanoq
sunniisarnersut oqaluuseri-
siuk. Uumasut eqqakkanik
nerinerminni toqusinnaallu-
tik imaluunniit pisarineqar-
lutik ajorluinnartumik piso-
qarsinnaavoq.

Ajoraluartumik aamma Ka-
laallit Nunaanni maani uu-
masuni eqqakkat aammalu
mikroplastit nassaarineqar-
tarput – tassa imaappoq,
annikitsumik ullut tamaasa
eqqakkanik nerisarpugut.

Eqqakkanik pinngortitamiit-
toqannginnerulernissaanut
nammineerluni qanoq ilior-
toqarsinnaanersut oqaluu-
serisiuk. Takuuk qupperneq
pissusiviusunut tunngasoq,
quppernermi kingullermit-
toq aammalu sunniutaasar-
tut oqaluuseralugit.

